

Protocol no. 20
Sezzüda da marcurdi, 30 mai 2012 – 08.30 – 11.30

Preschaints: Albert Mayer, Andri Poo, Men Caviezel, Dumeng Jann,
Marianne Werro-Lehmann e Claudia Luppi (protocol)
Jon-Curdin Felix per las tractandas 140 fin 144

Protocol

Il protocol no. 19 da la sezzüda da mardi, 22 mai 2012 vain approvà.

140 830.318.02 Infrastructura turistica
Spalüdamaint pista dal sömmi – Credit fr. 8'000.--

Tenor rapport da nos manader tecnic vain la pista da sömmi adüna darcheu donnagiada tras aua chi culla our da la costa suot la via da Vastur a'l cumanzamaint dal Siglioc uschè cha la pista vain in quel lö svelt terraina. La soluziun es ün spalüdamaint o ün'uscheditta drenascha. Il medem problem culla pista chi vain avant temp terraina as constatta eir sülla Possa da las Chavras pervi da la Val Güstina. In quel lö gniss scholt il problem cun far üna serra aint in l'aua davent da quala gniss manada davent l'aua in ün tub uschè cha tala nu donnagess plü la pista. Per quists duos amegldramaints per la pista dal sömmi s'han il cumün e la Pendicularas Motta Naluns abinats da maniera cha'l cumün surpiglia ils cuosts dal material intant cha las Pendicularas Motta Naluns surpiglian cun lur gruppa da lavur e cun lur maschinas la lavur ad agens cuosts. Ils cuosts da material s'amuntan sün s-chars fr. 8'000.--. Il Cussagl cumünal decida da conceder il credit da fr. 8'000.-- pels duos amegldramaints per la pista da sömmi.

141 021 FABRICA
Natascha e Fabio Lo Tufo – Sbodamaint e reconstrucziun mür da sustegn, Plan da Muglins 242 A

Ils patruns da fabrica han l'intent da sbodar e refabricar il mür da sustegn vers süd da lur parcella causa cha tal vain dad on ad on plü tort e ris-cha insacura da crodar insembel. Causa chi's tratta d'ün lavur da mantegnimaint necessari in fuorma d'üna reconstrucziun dal mür, vain la dumonda trattada in procedura d'annunzcha sainza publicaziun e saniza pofilar. Il Cusagl cumünal decida da conceder il permiss tenor la dumonda fatta cun seguainta cundiziun: Ils patruns da fabrica ston as cunvgnir culs paurs chi han da transir sülla via da la zavranza a regard ils termins dal fabricat per cha'l transit da la via nu saja impedi pervi da la fabrica d'ürant il temp cha'l fain o l'agör vegnan manats sü da las parcelas suot cumün. Il cumün inchascha üna taxa da trattamaint da fr. 50.--

142 021 FABRICA
Mario Risch – Müdamaints interns ed externs e renovaziun fatschada, Plaz 40

Il patrun da fabrica ha l'intent da far alch müdamaints interns ed externs sco eir da renovar la fatschada. Causa chi's tratta tenor il plan da fuormaziun d'üna chasa cun oblig da gnir mantgnüda sto la culur da la fatschada ouravant gnir acceptada a man d'ün muoster da culur da l'uffizi per la chüra da monumaints sco eir da la cumischiun da fabrica.

La dumonda es statta publichada sainza chi füssan entradas protestas.

Il Cussagl cumünal decida da conceder il permiss tenor la dumonda fatta e tenor ils plans inoltrats culla cundiziun cha la culur per la fatschada vegna preschantada ouravant a las istanzas manzunadas.

Il cumün inchascha üna taxa da trattamaint da fr. 100.--

143 021

FABRICA

Manuela e Jon Cantieni – Sbodamaint e reconstrucziun tschoffa, Chasellas 53

Ils patruns da fabrica fan la dumonda da pudair sbodar la tschoffa situada vers südost annex a lur chasa e da tilla reconstruir da maniera cha la tschoffa pudess gnir dovrada sco suottet per duos autos ed il tet da la tschoffa fuormess güst üna loggia per lur chasa.

La dumonda es statta publichada sainza chi füssan entradas protestas.

Il Cussagl cumünal decida da conceder il permiss tenor la dumonda fatta e tenor ils plans inoltrats.

Il cumün inchascha üna taxa da trattamaint da fr. 100.—

144 021

FABRICA

Johannes Bürgi – Prolungaziun dal permiss da fabrica, Plaz

Il patrun da fabrica vaiva dumandà cun l'inoltraziun dal müdamaint dal proget eir la prolungaziun dal permiss da fabrica concess als 6 gün 2011. Il Cussagl cumünal decida da conceder da princip üna prolungaziun dal permiss per ün on, sco prescrit illa ledscha da fabrica. Causa cha la fatschenda nun es dal tuot clera sto amo gnir scleri sün che permiss da fabrica cha la prolungaziun as referischa, sül permiss concess dal 2011 culs plans correspundents o sül permiss pel müdamaint da proget culs plans müdats ed actualisats. Il patrun da fabrica survain però la conferma in scrit cha la prolungaziun dal permiss da fabrica vegna concess subit cha'ls sclerimaints sun fats tras nos giurist e cha pel temp dals sclerimaints saja el in possess d'ün permiss valabel.

Il cumün inchascha üna taxa da trattamaint da fr. 50.--

146

ORIENTAZIUNS

Radunanza da rendaquint 2011

Il capo comunichescha cha la radunanza da rendaquint 2011 saja gnüda fixada sün marcurdi ils 11 lügl 2012.

Colliaziun dal tren Engiadina – Val Vnuost

Il capo orientescha cha'l comité d'acziun per la colliaziun da tren Engiadina – Val Vnuost organisescha üna sairada d'infuomaziun. La sairada ha lö in venderdi ils 8 gün 2012 a las 20.00 aint il auditori dal Parc Naziunal Svizzer a Zernez.

Radunanza generala da la “Pro Idioms”

Il capo comunichescha cha la radunanza generala da la “Pro Idioms” haja lö in marcurdi ils 13 gün 2012 a las 20.00 aint il auditori dal Parc Naziunal Svizzer a Zernez.

L'actuara: